



UNIVERSITÄTS-
BIBLIOTHEK
PADERBORN

**Henrici Canisi[i] Noviomagi, Belgæ, Jn Academia
Ingolstadiensi SS. Canonum Profess. Ordinarii & Primarii,
Opera Quæ De Ivre Canonico Reliqvit**

Canisius, Heinrich

Coloniae Agrippinae, 1662

Tit. XIII. De confirmatione.

[urn:nbn:de:hbz:466:1-62169](https://nbn-resolving.org/urn:nbn:de:hbz:466:1-62169)

us, an postulandus esset. Quo casu postulator aut electus consensus tempore (quod menstruum est post praesentationem sibi factam, cap. Quam sit 6, de elect. lib. 6.) viam electionis vel postulationis (ne in incerto vagetur) eligere necessario tenetur, & unâ electâ ad alteram regressum non habet, d. c. unico.

§ 4, de votis postulantium.

Sed de suffragiis postulantium videamus. Et enim, si omnium vota in unum eundemque conveniunt; dubium non est, quin postulatio legiri-

mè celebrata sit, cap. 3, & 4, in fine Ext. eod. cap. Cupientes 16, §. fin. de elect. lib. 6, idem, si pro majore parte postulantium, Goffredus, quem sequitur Panorm. ad d. cap. 3, n. 12, & probatur per text. in l. Quod major 19, D. Ad municip. in cap. 1, in fine Ext. De his que fiunt à Prelat. At si concurrat postulatione cum electione, hinc necesse est, numerus postulantium duplo major sit eligentium; alioqui electio praefertur, c. Scriptum 40, Ext. De elect. & ibi laudè Panorm. & Imola. Et ratio est, quia postulatio gratiâ nicitur, electio jure, quod expugnatum difficilius est.

DE CONFIRMATIONE.

TITULUS XIII.

§. 1. Electus confirmari debet.

Praelectâ electione, non statim electus administrandæ Ecclesiæ suæ jus habet, sed necesse est, prius confirmetur à superiore suo, cap. Nihil 44, Ext. De elect. Abbas enim, alique inferiores, à suo Episcopo, cap. Cum monasterium 13, Ext. De elect. Episcopus à suo Archiepiscopo, cap. Dilectus 33, eod. cap. 2, Ext. De translat. Episc. can. fin. dist. 64, Archiepiscopus à suo Patriarcha, & hic consequenter à S. Pontifice confirmandi sunt, nisi ex his quispiam Romanæ Sedi immediatè subjectus sit: aut S. Pontifex singulari jure sibi reservaverit confirmationem, veluti in Episcopis Germaniæ vigore Concordatorum. Panorm. ad cap. Cum Ecclesia 31, n. 8, Ext. De elect. per cap. Antiquam De privileg. Hostiens. in Summa hoc tit. num. 27, Confer & Pontificale Rom. & qua ad calcem hujus Summa invenies. Nam his casibus confirmatio petenda erit à Sede Apostolica, d. cap. Nihil §. ceterum cap. Cum venerabilis 7, Ext. de consuet.

§. 2, De necessitate confirmationis.

Quæ usque ad eò obtinent, ut, si electus, omniâ confirmatione, quovis etiam titulo aut prætextu administrationi Ecclesiæ suæ se ingesserit, jus ex electione sibi quaesitum ipso facto amittat, cap. Avaritia De elect. lib. 6, d. cap. Nihil 44, circa princ. cap. Qualiter 7, Ext. De elect. His tamen exceptis, qui extra Italiam in concordia electi, à S. Pontifice confirmandi sunt; quibus ex concessione Concilii Lateranensis, propter necessitatem Ecclesiæ & utilitatem, potestas facta

est etiam ante confirmationem administrandæ spiritualia quàm temporalia Ecclesiæ suæ; dummodò ex rebus Ecclesiasticis nihil profus alienent, d. cap. Nihil 44, §. ceterum eod. Idque à Bonifacio VII. & ad Abbatissas certo modo projectum est, in cap. Indemnitatib. 43, §. si verè §. ceterum eod. in 6.

§. 3, Ordo petendæ confirmationis.

Ceterum petendæ confirmationis ordo hic à Gregorio X. in Concilio Lugdunensi præscriptus est, ut electores, quamprimum commodè possunt, electi assensum habeant, quem electus intra mensem à tempore insinuatæ electionis accommodare, & deinde intra tres alios menses subsequentes, confirmationem petere tenetur, sub pœna privationis juris per electionem sibi adquisiti, nisi justa causa electi moram excuset, c. Quam sit 6, de elect. lib. 6, Verùm postea Nicolaus III hoc trimestre tempus immutavit in electis ad Cathedrales vel Regulares Ecclesias, quorum confirmatio ad Summum Pontificem spectat, vel interjectâ appellatione devolvitur; ut infra unum mensem post consensum vel notitiam electionis, ipsi met ad Sedem Apostolicam iter arripiant, & ad conficiendum tantum temporis sumant, quantum necesse erit pro locorum intervallo. Pleraque alia adjecit, quæ ex ipso contextu Decretalis rectius petuntur, c. Cupientes 16, De elect. lib. 6, juncto c. Si postquam 33, eod. lib. 6.

§. 4. *Confirmanti quid incumbat.*

Illud verò confirmanti cavendum est, ne præceps sit in confirmando, sed personam electi & actum electionis diligenter exploret; & si ritè omnia confecta viderit, tunc confirmationis munus electo impendat, *d. cap. Nihil, cap. Cum nobis 19, cap. Venerabilem 14, Ext. de elect. Uode si electus coelectum, aut alium electionis suæ adversa-*

tium habeat, is ante confirmationem omninò citandus erit: aliàs generale & peremptorium edictum in Ecclesia, in qua electio celebrata est, proponendum, quo contradictores, si quis sit, moneantur & evocentur; cùm prætermissa hac observatione, confirmatio nullius momenti sit, *cap. fin. De elect. lib. 6.*

DE CONSECRATIONE EPISCOPI, ET VSV PALLII,
TITULUS XIV.§. I. *Episcopi consecratione matrimonium spirituale perficitur.*

Electo Episcopo & confirmato, restat postremò consecratio, quâ matrimonium spirituale inter Episcopum & Ecclesiam suam, electione inchoatum & confirmatione contractum, consecratione tandem perficitur, *c. 1, c. 4, Ext. De translat. Episc.*

§. 2. *Consecratio intra quod tempus adhibenda.*

Quæ post confirmationem ultra tres menses protrahi non debet, nisi extrema necessitas cogat, tempus consecrationis prorogari, *can. Quoniam dist. 75, can. 1, dist. 100, vide Glos. penult. ad c. Si electio 26, De elect. in 6, quam commendat Panor. ad c. Cum in cunctis 7, §. cum verò n. 5, Ext. de elect. ut & Concilii Tridentini decreto plenius continetur, Sess. 23, c. 2, de reform.*

§. 3. *Consecratio à quo & quâ formâ explicanda.*

Consecratur verò Episcopus à tribus, ut minimum, ejusdem provincie Episcopis, jussu Metropolitanis, cæteris que Episcopis absentibus assensum suum accommodantibus: quamvis melius foret, si ipse Archiepiscopus unâ cum Suffraganeis suis hoc munus consecrationis obiret, *c. Si Archiepiscopus cum c. seq. Ext. de temp. ord. can. 19 2, 3, 4, dist. 64, At Archiepiscopus ab omnibus Suffraganeis suis consecrandus est, d. c. Si Archiepiscopus, can. 6, dist. 64, can. Metropolitanum dist. 63, adde Henr. Boich. ad c. Nec episcopi d. tit. De temporib. ord. Quâ autem formâ hæc consecratio peragi debeat, supra recensuimus, §. clericis sup. De ordin. & grad. clericor.*

§. 4. *Post consecrationem beneficia consecrati vacare.*

Ubi meminisse oportet, consecratione Episcopiperactâ, aut elapso termino consecrationi

præstituto, omnia beneficia Ecclesiastica, si quæ habet Episcopus, ipso jure vacare; & ab eo, ad quem spectant, liberè conferri posse, *c. Cum in cunctis 7, §. cum verò & ibi Panor. n. 3, Ext. De elect. c. Cum nostris 6, circa fin. Ext. De concess. præb. Neque enim antè vacant, cùm consecratio Episcopi ex causa rejici possit à superiore, cap. Super his 16, Ext. De accusat. juncto can. 2, dist. 23, & can. 1, dist. 75, Glos. ad d. Cum verò.*

§. 5. *De Pallio.*

Illud præter consecrationem singulare est in Archiepiscopo, quòd huic Pallium veluti dignitatis suæ insigne communicetur à suo Patriarcha, vel à S. Pontifice, *c. Antiqua 23, Ext. De privil. dist. 100, portor. Hostiens. in Summa de auctorit. & usu Pallii, Nam sine eo, nec Archiepiscopi nomen sibi rectè vindicat, c. 2, Ext. De auct. & usu Pallii, nec ea, quæ Ordinis sunt Episcopalis, rectè exquirunt, c. Quod sicut 28, §. penult. in fine Ext. De elect.*

§. 6. *Quando utendum Pallio.*

Non tamen eo Pallio semper & ubique uti poterit Archiepiscopus, sed certis dumtaxat diebus, & in Ecclesiis Provincie suæ, *c. 1, c. 4, c. 1, 6, & 7, Ext. d. tit. De auct. & usu Pallii, Recensentur autem dies in Glossa ad d. c. 4.*

§. 7. *Episcopo interdum Pallium concedi.*

Interdum & Episcopo Pallium conceditur verum id extra ordinem, singulari S. Pontificis beneficio, *c. Cum in juventute 15, Ext. De presump.*